



偶記序



余志存緝柳性嗜然藜上邇虞周下迄勝國彌
載教千百餘為史二十有一以至夷堅禰志齊
諧怪錄中所紀術或片言而彼此偶同一事而
先後數見良由意均智敵不謀而合符無亦往
事合師有心於學步又或秉筆者東宋成訛根
銀互記本出一跡遂分兩端得於游目遂資鼓
掌隨為錄以懶懶謬加缺袞既久成帙稍別類
倫然而等之藏未窮羽陵撻擷之動一慙

晏與成一種之說能免萬漏之譏乎抑今聞
業文屢校禁句批糠阿難受障于多聞顯道遺
譙于博記繇斯以談日余所識尚病其多又胡
云少姑未焚宣鑒之鈔存以覆子雲之詭云爾
皆

萬曆辛丑嘉平日

銅鵲山人余翹聿雲書

偶記目

卷下

禪代

嗣立

禮賢

用人

刑賞

諫說

兵戰

君臣

父子

夫婦

兄弟

朋友

師弟

卷上

德行

方正

雅量

清脩

政事

孝誼

義俠

德化

神宇

志願

文學

智術

武勇

捷悟

名譽

棲逸

審已

籌敵

用間

執報仇

賢媛

卷下

釋宗	神怪	妖冶	残忍	嫌疑	出處
仙跡	教定	妬媚	惑溺	任誕	辭受
物類	容止	禍福	疑懼	嚴憚	恩怨
古蹟	音聲	感應	調譖	悖陋	奢儉
堂兆	飲食	讖兆	賄敗	反覆	評品
	術藝	禎孽	噴亂	諂佞	比擬

偶記卷二

禪代

池陽 余翹 聿雲 著



堯禪舜。共工鯀諫之。而罹誅焉。武滅殷。管蔡與之。而受戮焉。此之兇人。彼之忠臣乎。湯滅夏。而死者務光也。武滅殷。而死者夷齊也。二代之忠臣。何少也。雖然。血流漂杵。殷之死事者衆矣。伐密而作淫邑也。伐崇而作豐邑也。聖人不以

細行廢至計也。今以取劉璋病先主則文王非

弑君而稱聖。周武也。弑兄而稱聖。衛武也。采薇之歌。恥周也。麥秀之歌。傷殷也。彼異姓而死之。此同姓而臣之。理無兩是。為操成篡者或也。董昭九錫之議。則佯異之。為昇成篡者齊丘也。周宗禪代之議。則佯嫉之。恥策非已。小人哉。死也宜矣。王祥之附晉。心也。佯不拜以節之。馮道之附周。

心也。佯受拜以掩之人。遂不罪其賣國矣。巧哉。裕取天下於桓玄而托之晉禪也。淵取天下於羣盜而托之隋禪也。無識哉。

嗣立

宋宣公讓位弟穆公而卒有與夷之弑也。吳諸樊讓位弟餘祭而卒有僚之弑也。三代而下不傳嫡者是禍本也。

齊婁后致位。演而孝琬百年殄。宋杜后致位。匡義而廷美。惠昭殲。故曰牝晨家索。

晉申生衛急子之賢而不免其天道乎獻烝於齊姜生申生宣烝於夷姜生急子

禮賢

教以墻壞不築墻枉不端禁食園桃食以糲飯而能悟者魏文侯於箕季也教以置水拔薤抱兒當戶而能悟者陳異於尹方也教以降階不荅瞪視而出而能悟者高士廉於朱桃椎也今無見白屋者豈惟索解人不可得懸榻以待周璆陳仲舉也施榻以待孔休源蕭

晉安也。陳又嘗懸榻待徐穉。

魏文侯踞堂見翟黃及見段干木立倦而不敢息也漢武帝踞廁見衛青及見汲黯不冠不見也格君心之非者二子乎

信陵執轡於侯生從騎罵之王商枉駕于樓護主簿諫之令人不為從騎主簿也者幾希

屣履相迎者暴勝之於雋不疑竇憲於崔駰皇甫規於王符蔡邕於王粲

康莊列第不能容舒也東閣營館不能容舒也

所謂好畫龍者也

○夜聽賈誼論鬼神而膝前席者漢文也夜聽蘇

綽陳政道而膝前席者周文也又孝公於商鞅

周明帝于寇雋亦然

○金蓮炬送歸院者王珪也蘇軾也然太后與軾

夜談而嬪妃夜索珪詩贈以珠花幾於褻矣又

令狐綯晁迥史浩亦被此寵

魏文四友司馬懿陳羣朱鑠吳質也吳太子四

友諸葛恪張休顧譚陳表也宋帝四友謝朓褚

炫江敷劉侯也梁簡文四友上黃新渝建安南

浦也

用人

拔嵩徒而相而恐其賊也夢以先之載釣老而

師而恐其疑也卜以先之聖人不得已而喻愚

俗也不知者以為真夢而娃羸進矣筮而驪姬

進矣

卜相而金甌覆名唐玄宗於崔琳盧從愿也卜

相而琉璃甌貯名唐廢帝於崔居儉盧文紀也

二事俱出二氏異哉覆而不克相也貯而挾以
箸也殆同戲耳

唐文皇為天策上將開府置房杜等十八人為
學士楚王馬希範為天策上將開府置廖光嵩
徐仲雅等十八人為學士事類而人遠矣
晏子前在東阿屬托不行而君罪之後反是而
君賞之西門豹為君治鄴而奪之璽為左右治
鄴而君拜之故曰官無中人不如歸田
漢武帝以朱買臣為會稽太守世祖以景丹為

櫟陽侯周高祖以劉雄為河州刺史並曰富貴
不歸故鄉如衣繡夜行蓋寵之本郡也

秦皇未見韓非思並世不可得既見則殺之漢
武未見相如思並世不可得既見則擯之貴其
耳賤其目

高澄見王偉為侯景檄曰才如此何不早使知
也武曌見駱賓王為敬業檄曰人有如此才而
使之流落不偶乎然政使早有薦達者未必見
用

遼之興以韓延徽夏之興以張元吳昊皆中國人也延徽嘗歸唐矣以王緘之隙復奔遼元昊嘗刻詩自見矣以韓范二帥不能用遂奔夏元為鸚鵡詩曰好著金籠收拾取莫教飛去別人家宜以告當事者

唐王仙芝以進士不第竟亂而亡唐宋張元以殿試黜落竟叛而禍宋嘉祐二年詔殿試不復黜因張元故也一小人為千萬世君子之利士或負俗而立功名斷馳者在馭之而已此漢

武求賢詔也進取之士未必有行偏短者庸可廢乎此魏武求士令也知用人之道者二主也

優孟似叔敖虎賁似中郎宣武似越石以貌相士者悖哉曾參殺人而曾母投杼毛遂墮井而平原痛哭秋胡調妻而翟公拒婚以石求人者遠矣

高帝拜韓信為大將一軍皆驚先主拔魏延為漢中督一軍皆驚

漢太尉楊賜每拜嘆陳寔大位未登媿於先之

也陳蕃為三公嘆黃叔度在吾不敢先佩印綬也晉司空王導既拜嘆裴道期劉王喬在吾不得獨登此位也操是心也何憂乎蔽賢

仕者高則望宰相下則希牧守錮人於聖世不忍為也此漢袁安之言也仕者大則望公卿次則望侍從柰何錮之於聖世此宋韓億之言也庶幾乎惜才者

魏武不喜得荊州喜得薊越周文不喜得河東喜得柳敏唐太宗不喜得遼東喜得薛仁貴慕

容德不喜得青州喜得封孚袁遜不喜克李歆喜得宋繇

梁元帝曰晉氏平吳喜獲二陸今我破賊亦得二周謂弘正弘讓也申徽謂周文曰晉主滅吳利在二陸今平梁漢得一劉璠

刑賞

晉文赦里鳧須以安國中不附者漢高封雍齒以安沙中偶語者

晉文賞不及介子推子推隱去從者作龍蛇歌

懸書宮門賞不及舟之僑之僑作龍蛇歌歷階而去此一事兩記耳

屠岸賈之滅趙氏未為淫刑也董狐有言亡不越境返不討賊則其罪可知也曹操之殺孔融未為失入也孔明有言來敏亂羣過於文舉則其人可知也

子臯為獄吏嘗刑人後出奔刑者引而逃之子發令上蔡嘗刑人後出奔刑者匿而逃之殺而不怨者乎

宋廣平之抑却靈荃賞非售功之道也張益州之斬一錢吏非刑罪之道也世方以為美談矣王敬則守吳興有十數歲小兒路取遺物立殺之孔琇之令吳有十歲小兒偷刈隣稻竟罪之刻哉張詠鎮成都有卒抱兒兒忽怒搥其父即殺之噫滋甚矣

嗇夫私賦民錢市衣進父而吳祐原之人有盜隣麥進母而孔融賞之奴竊食祭先而韓卓免之庾人盜秬米食母而鐵哥貸之觀過知仁也

雖然賞則過矣

蒲鞭示辱。劉寬也。熟皮鞭示辱。崔伯謙也。裏碧頭巾示辱。李封也。懸一蒲鞭而未用。崔景真也。幾刑措矣。

憐罪人無子而令其妻入獄生子者。吳祐於母丘長也。陳臨於蒼梧也。喬智明於張兌也。縱囚而囚來歸者。漢戴封也。虞延也。鍾離意也。晉曹攄也。宋謝方明也。梁傳岐也。北齊張華原也。周蕭撝也。隋王伽也。唐太宗知有前事而效

之。所謂飾治者也。

漢高與秦人約法三章。李特與蜀人約法三章。為徙轅之令而賞之。如令商鞅也。而賞之。如令商鞅也。賜爭牛者以牛。而境內咸敦敬讓者。魏張長年也。賜盜蒿者以蒿。而盜媿過加刑者。隋趙奘也。惠也。費矣。

魏孝明靈太后幸左藏王公嬪主從者。令任力負布絹多者。至二百匹。惟長樂公手持絹二十

匹世稱其廉。隋高祖賜公卿入左藏任取多少。人皆極重。惟庫狄士文口銜絹一匹。兩手各一匹。上異之。噫。多取者無論也。恩賞若此而不悟其非。二子惡得賢。

魏太祖以素屏風。素馮几。賜毛玠。齊高帝以白羽扇。素隱几。餉孔靈產。明帝以漆合燭盤。賜傅昭。梁昭明太子以瓠食器。賜劉杳。皆曰。君有古人之風。故賜古人之服。又陸靜脩以白鷺羽塵尾扇遺張融。亦曰。此既異物。以奉異人。

諫說

有獻不死之藥於荆王。中射之士奪而食之。王怒。欲殺之。中射之士曰。臣食之而王殺臣。是死藥也。王殺無罪之臣。而明人之欺王。王乃不殺。武帝得君山不死之酒。東方朔奪而飲之。帝欲殺之。朔曰。殺臣若死。此為無驗。以其有驗。殺亦不死。乃赦之。

齊景公使人養所愛馬。馬死。公怒。令殺之。晏子數以三罪。而公赦之。使燭雛主鳥。而片。公怒。欲

殺之。晏子數以三罪。而公赦之。漢武帝時有殺上林鹿者。下有司殺之。東方朔數以三罪。而帝赦之。然晏子恐一事而兩記耳。韓詩外傳又作顏鄧聚。而晏子數以四罪。

哀公東益宅。孔子對以五不祥。欲西益宅。宰折睢對以三不祥。此亦是一事耳。

太公封齊。聞逆旅之言。乃夜衣而行。至則萊侯與之爭。營丘。鄭桓公封鄭。聞逆旅之言。乃自駕而行。至則釐何與之爭。封。

晉平公出。畋。虎伏不動。公自以為霸王之兆。而師曠曰。君駢馭馬。虎畏馭也。出朝。有鳥環而不。去。又自以為霸王之兆。而師曠曰。君衣狐裘。鳥名諫珂者。愛狐也。

晉平公出。言不當。師曠舉琴撞之。敗壁。平公為之不塗壁。魏文侯出言不當。師經舉琴撞之。潰旒。文侯為之不補旒。嘻。引裾折檻可也。君而可撞。罪豈止斃芻哉。吾取其君。不取其臣。

心忠而事逆者鬻拳之兵諫也。心逆而事逆者張顛徐溫之兵諫也。

燕太后不肯令公子質齊也。陳翠以愛子之說進而為公子為行具。趙太后不肯以長安君質齊也。左師觸龍以愛子之說進而為長安君約車質齊。

周以染工王神歡為大夫。盧愷爭之。唐以伶人陳俊為刺史。郭崇韜諫之。近時羽流宗伯梓人司空未聞伏蒲者。

宋言官有乞禁鹿胎冠子者。乞禁黃紙包粟者。乞禁宰鷺鴨者。乞多方捕虎者。乞禁人行來龍者。乞宮中養狗以備不虞者。肉食之鄙至此乎。先主自禰亭還。諸葛亮曰。法孝直在。必不使主上東行。魏武自荊州還。曰。郭奉孝在。不使孤至此。孫權因征遼將士沒于海。曰。使虞翻在此。役不成。何三雄之一揆也。唐太宗自遼左還。亦曰。魏徵在。朕無此行。

風后八陣。天地風雲虎翼蛇蟠飛龍鳥翔也。孫子八陣。方圓牝牡衝方罟置車輪。鴈行也。吳起八陣。車箱車軋。曲鉞直卦。衝鷺鶴也。孔明八陣。洞當中黃龍騰鳥翔。連衝握機虎翼折衝也。武王伐紂。過隧斬岸。過水折舟。過谷蕞梁。過山焚茱。孟明之焚舟也。項羽之沉船也。祖武王之智也。

田單火牛。楊璇火馬。江道火雞。俱以致勝一智。而數變者也。宋賊邵青亦用火牛。遂敗矣。王德

曰古法可一不可再。

留贊臨敵。必先披髮叫天。因抗音而歌。左右應之。乃進戰。戰無不克。崔延伯臨陣。先令田僧超為壯士歌。然後所向無前。二子抑何似也。杜征南身不跨馬。常懷文戰。未嘗騎馬。又陳慶之射不穿札。馬非所便。俱以將略稱。唐永臨陣。麾角如意。常叡臨陣。執竹如意。斛律金望塵而知馬步多少。周德威亦望塵而知敵數。然金嗅地而知軍遠近更難。

朱瑾黥其兵以雙鴈號鴈子都劉仁恭文其兵面號定霸都董昌刻五千餘姓人為感恩都楊行密號軍黑雲都。

楊行密起事三十六人。宋江起事亦三十六人。江無成而事反著於行密。

孫恩攻會稽王凝之入室請禱契丹寇天雄王欽若閉門脩齋馬希萼反長沙希廣披緇念佛至王莽之刻木校尉耀金都尉郭金之六丁力士北斗祖兵齊薛崇宗之遣斛律明月金烏古

論先生之使軍士服氣祇供廬胡

君臣

神武不貴紹宗而遺之子太宗暫出世勸而貽之子其以市道用人乎紹宗之釋景也世勸之附望也有是君故有是臣

孫策臨亡謂子布曰若仲謀不任事者君可自取。昭烈臨崩謂孔明日嗣子如不可輔君可自取。噫昭烈明知禪之闇弱矣策嘗語權保江東我不如卿而為不任事之語何也孫也詐劉也

誠

高帝使鄭君名項籍不奉詔而帝逐之也。呂布使袁渙罵昭烈不許而布慙而止也。高帝於是不及布矣。

曹洪謂魏武天下可無洪不可無君。謝晦謂宋武天下不可無公。晦死何有王洪。軌謂齊高天下不可無洪。軌何有哉。

張昭稱疾不朝。土塞其門。昭又益土火燒其門。昭更閉戶。王安石辭起居注。齋敕付之拒不受。

吏隨而拜之。則避于廁。置勅于案而去。又追還之。可謂有君臣之禮哉。

父子

人主臣父者二。魏孝靖以父亶為大司馬也。柴世宗以父守禮為光祿卿也。

公西華養親。若與朋友處。曾參養親。若事烈主。

嵇康死非命。子紹靖居杜門矣。後竟仕而死。蕩陰杜讓能死非命。子曉幅巾自廡矣。後竟仕而死。亂兵二子遜。王偉元矣。

莽有臨祿山有慶緒思明有朝義温有友珪天
報亂臣以賊子如一轍竒矣

王溥為相。父祚家居。公卿至。溥朝服趨侍。坐客
不安。祚曰。豚犬爾。勿煩。諸公起。陳堯佐兄弟三
人皆貴。父省華無恙。賓客至。堯佐及仲季侍立。
坐客不安。省華曰。兒子輩爾。噫。古人風哉。
鄧艾下蜀。禪議降子。謀諫不用而死。劉裕入閩。
泓議降子。佛念諫不用而死。嘻。姚氏不足道也。
使謀嗣漢。豈遂忽諸。

山吏部不知子簡。魏吏部不知猶子舒。

顏延之諸子。峻得其筆。測得其文。奐得其義。躍
得其酒。宋令文諸子。之問得其文。之悌得其勇。
之懸得其書。范仲淹諸子。純仁得其忠。純禮得
其靜。純粹得其略。范氏盛矣。

山濤謂王衍。何物老嫗。生寧馨兒。宋太后謂廢
帝。將刀剖我腹。那得生寧馨兒。今以寧馨為佳
話。非矣。

漢陳留富翁。年九十生子。梁荆州張元始。年九

十七生子。唐桂陽曹恭年八十五生子。皆日中無影。

周文見高洋軍容曰。高歡不死矣。朱溫見存勗軍容曰。克用不亡矣。魏武于孫仲謀亦然。

夫婦

張博望持節匈奴而單于與妻生子。蘇子卿杖節匈奴而亦娶妻生子。然吾不為騫惜也。後漢書樊英有疾。妻遣奴婢拜問。英下床答拜。其恭謹若是。吳書諸葛瑾妻死不改娶。有愛妾

生子不舉。其篤慎如此。嘻。與奴婢拜辱矣。不舉妾子忍矣。反謂恭謹篤慎何無識也。婦希見其面者。朱子元也。妻希見其面。有疾而妻省之。命左右扶起冠幘加襲者。顧悌也。夫婦正衣冠相見。再拜上酒。酬酢畢便出。一歲如此。不過再三。何魯也。不與妻相見。別築室以處之者。何點也。去婦人數步。猶聞其臭。經御婦人衣不更著者。蕭登也。平居不內返。入內閣為犬所吠者。邢子才也。三不惑得其一矣。

耨而妻饁之。相敬如賓。冀缺也。耕而妻餉之。相見如賓。常林也。二南風也。

樂羊子得遺金歸。而妻規之。劉愚懷白金歸。而妻怒之。二婦者。求之士人中。不多見也。

娶盲女者。孫泰。劉庭式。周恭叔。呂華。陰呂所娶。盲女生五男。皆登第一。為宰相。汲公可謂有天道。

唐于祐與韓氏以紅葉詩為媒。蜀侯繼。尚與任氏以桐葉詩為媒。紅葉事一云盧渥。一云李茵。

終身不娶者。唐陽城。宋陽孝本。孝本即城裔也。亦異矣。

兄弟

叔段之不義也。莊厚其罪也。梁孝之不共也。景驕其志也。

鄧攸。擔其子及弟子避賊也。度不能兩全。遂棄其子。而攸竟絕嗣。羊祜前母兄。蔡與同母兄。承病也。祜母度不能兩全。遂專養蔡。而承竟不起。孰謂有天道哉。

抱弟子而棄已子。鄧攸也。抱幼弟而棄已子。劉廷讓也。抱弟女而棄已子。劉平也。嘻以女視子。不有間乎。平也過矣。為飢賊所得。而兄弟爭死者。趙孝趙禮也。王琳兒萌。車成。淳于恭兄弟也。以國讓弟者。鄧彪。丁鴻。劉愷。被辟舉。而因其兄未仕。遂陽暗不出。及兄得舉。而後仕者。封觀也。童翊也。田叔都也。三子之高義。何其類也。

友愛不忍暫離。雖各有室。常同卧起者。漢姜肱。梁張弘策。常放兄弟也。若唐陽城兄弟三人不婚娶。沒齒同衾。有妹夫死。他縣城令季弟往收之。三人相別不得。遂同往。元稹作詩咏之。王覽母。持前母子祥。覽輒抱持。涕泣。常嗣立母。笞前母子承慶。嗣立輒解衣求代。稱二龍者。漢許劭。齊柳惔。梁謝覽兄弟也。三龍者。蜀李邵兄弟也。五龍者。漢周子輿。晉辛攀。齊張鏡。宋竇儀兄弟也。六龍者。漢公沙季。晉卞粹。

溫恭兄弟也。八龍者。漢荀爽。唐崔珙兄弟也。九龍者。北齊王昕兄弟也。三虎者。賈偉節兄弟。雙鳳者。賈思伯。思休。魏景義。景禮。三鳳者。薛收。德音。元敬也。

雙珠者。常康。常誕。孟昶。孟頴。

漢馬良兄弟五人。並有才名。鄉里諺曰。馬氏五常。白眉最良。齊馬子結兄弟三人。皆涉文學。陽休之稱曰。三馬皆白眉。

荀氏八龍。慈明無雙。謂爽也。卞氏六龍。玄仁無

雙。謂粹也。荀也。顯再世而事曹氏矣。卞也。隱再世而著忠孝矣。

魏陳思王植于文帝前七步成。煮豆詩。北魏彭城王勰于孝文前十步成。松林詩。二事絕類。而二曹相猶不及孝文。彭城遠甚也。

宋韓絳拜相。弟維。卓制。曾布拜相。弟肇。卓制時。以為美談。然絳與布俱附王安石。而維與肇俱賢。又相似也。

朋友

馬文淵戒子以杜季良王文舒戒子以郭伯益
劉公幹未教子厚先揚友失矣

戶文子叔衍子思單子同入楚道乏糧度不俱
生并衣糧于單子而二子凍死左伯桃羊角哀
同入楚道乏糧度不俱生并衣食于哀而桃餓
死若劉翊道逢知故之困則與俱餓死皆可以
為難矣

伍員奔吳謂友申包胥曰我必覆楚包胥曰我
必存之韓熙載奔江南謂友李穀曰江左相吾

當長驅以定中原穀曰中國相吾取江南如反
掌耳乃員包胥各伸其志穀志試而未竟熙載
托空言矣又蕭衍謂任昉曰我登三府當以卿
為記室昉曰我登三事當以卿為騎兵後衍符
其言焉

孫臏與龐涓俱學兵法涓為魏擊齊也以臏為
怯卒死于臏龐煖與劇辛善卓為燕擊趙也以
煖為易與卒死于煖

華子魚以司徒讓幼安山巨源以選曹讓叔夜

不謂之知二子不可也謂之知二子不可也
忘年友者孔融于禰衡裴子野于張績王筠劉
之遴于江摠庾仲容張率于韋粲李際盧誕于
裴尼韓愈于孟郊
千里命駕不爽期者范式于張劭卓恕于諸葛
恪
漢侯霸求友王仲回仲回不許也魏張遼求友
胡文德文德不許也晉孫秀求友杜世嘏世嘏
不許也古人慎交乃爾

晉書稱王敦謝鯤庾敳阮脩為王衍四友至胡
毋輔之傳又以敦王澄敦輔之為衍四友若謝
靈運四友則惠連何長瑜羊璿之苟雍也晉書
不成于一人之手多所錯襍

師弟

閔子騫入樂夫子之道出悅羽蓋裘旃者二者
相攻故有菜色後被夫子之教寢深故有芻豢
之色子夏入榮夫子之義出榮富貴二者交戰
故癯夫^後子之義戰勝故肥一見韓非子一見外

傳當是一事耳

子路子貢顏淵侍夫子而言志也莊子以為農
山韓詩外傳以為戎山又以為景山語都無大
別

顏回死子曰天喪予子路死子曰天祝予見春
秋繁露

張禹與弟子娛樂婦女優人相對而彭宣獨不
至後堂也馬融教授生徒多列女倡歌舞而盧
植獨不轉盼也賢哉然吾不謂二子得師也

鄭玄辭馬融歸融曰吾道東矣宗少文與張敷
談繫象曰吾道東矣

荀卿之門有李斯李斯之門有吳公師豈在人
哉

游楊立雪于程門神光立雪于少林
為師成墳者侯芭於揚雄桓榮于朱普

一字師者鄭谷改齊已梅詩數枝為一枝也蕭

楚才改張詠詩獨恨太平無一事為獨幸也楊

萬里吏言于寶為干寶也

與人簞而自坐薦上者王恭也棄蠶而與人箔者司馬徽也聞人不敢借車遂自焚車者阮裕也問外無假驢者然後出王昭素也四子在孔門何必減子路

賣宅而告以無出火處者陳元方也陸元方也賣宅而告以宅洿下者皇甫亮也賣牛而告以漏蹄者明山賓也鬻牛而謂不堪驅策者蕭韓家奴也賣陶器而告以器不行者曾叔卿也馬

不利主而不肯鬻恐遺害于人者庾亮也均足激薄停澆矣

公沙穆鬻病猪以半直還買者而買者竟不受錢孟信兄子鬻老牛信以牛病告買者而買者苦請之吾又兩高之矣

遇賊奪財物惟餘七鱸賊不知處乃追以與之者戴封也見人盜魚追以魚遺之者陳囂也追以錢與盜盜不受遂棄之而去者姜肱也見人刈禾而避之者淳于恭也見人竊麥而避之者

張文詡也見人竊蔬而退走毋問之不肯言盜之名者范元琰也人竊其稻引還為設酒食以未送之者吳國夫也見人盜衣而不言有人擒盜乃以衣與盜者何點也除道以通盜瓜者桑虞也立橋以度盜筍者郭原平也范元琰也製橋以通盜蔬者孔牧也人盜筍更買大筍送之者沈道虔也

牛犯其田牽置涼處飼之過於牛主者管寧也李士謙也持芻送牛者朱冲也

漢承宮有人認其黍便推與而去吳鍾離牧有人認其稻即以與之其人後慙送稻還牧牧閉門不受其人輸置道傍莫有取者又卓茂之馬劉寬劉虞之牛司馬徽之豬曹節之豕沈麟士之屐俱為人誤認而後送還還而竟不受者朱冲王延之犢劉凝之之屐然牧冲延疑之過矣不疑償同舍郎金陳重償同舍郎綉桑虞償同宿人脯仇季知甞自憶過惟一搏牛耳管幼安甞自憶

過惟如廁不冠

宋劉甲晝之所為夜必書之元宇文公諒晝之所為夜必書之

馬文淵不冠不入嫂之廬劉子璫束帶未竟不應兄之問

買妾而問之知其賣償折運遂還之者馮當世

父也王荆公也

不從亂命而嫁父妾者陳乾昔子尊已也魏武

子子穎也今人惟知穎事

